



REPUBLIKA E SHQIPËRISË  
AUTORITETI I KONKURENCËS  
KOMISIONI I KONKURENCËS

VENDIM

Nr. 773, Datë 18.02.2021

**“Mbi autorizimin e përqendrimit të realizuar nëpërmjet përfimit të kontrollit të shoqërisë Navistar International Corporation nga shoqëria Traton SE.”**

Komisioni i Konkurrencës me pjesëmarrjen e:

Znj. Juliana LATIFI	Kryetar
Znj. Leida MATJA	Zv/Kryetar
Z. Eduard YPI	Anëtar
Znj. Adriana BERBERI	Anëtar

Në mbledhjen e tij të datës 18.02.2021, shqyrtoi çështjen me:

**Objekti:** Autorizimi i përqendrimit të realizuar nëpërmjet përfimit të kontrollit të shoqërisë Navistar International Corporation nga shoqëria Traton SE.

**Baza Ligjore:** Nenet 2, 10-12, neni 24, germa d), dhe nenet 53-64 të ligjit nr. 9121, datë 28.07.2003 “Për mbrojtjen e konkurrencës”, i ndryshuar; Rregullorja “Për zbatimin e procedurave të përqendrimit të ndërmarrjeve”; Udhëzimi “Për formën e njoftimit të përqendrimit”; Formulari i njoftimit të përqendrimit dhe Udhëzimi “Mbi procedurat e thjeshtuara për trajtimin e disa përqendrimeve”.

**Komisioni i Konkurrencës**, pas shqyrtimit të relacionit të Sekretarit të Përgjithshëm si dhe raportit të Drejtorisë së Analizës dhe Metodologjisë së Tregjeve, mbi njoftimin e përqendrimit të realizuar nëpërmjet përfimit të kontrollit të shoqërisë Navistar International Corporation nga shoqëria Traton SE,

**VËREN SE :**

**Transaksioni dhe përqendrimi**

Pranë Autoritetit të Konkurrencës, është depozituar njoftimi lidhur me përfimin e kontrollit të shoqërisë Navistar International Corporation nga shoqëria Traton SE.

**Pala Blerëse:** Traton SE është një shoqëri aksionare, e themeluar sipas legjislacionit të Gjermanisë, me objekt aktiviteti: përfshirje në sipërmarrje, të cilat kanë si qëllim të biznesit të tyre

prodhimin dhe shitjen e automjeteve dhe motorëve të të gjitha llojeve, aksesorëve të tyre dhe të gjitha impianteve, makinerive, veglave dhe produkteve të tjera teknike.

Traton SE është një filial i zotëruar indirekt nga grupi Volkswagen Aktiengesellschaft, e cila është shoqëria mëmë e Grupit Volkswagen. Traton SE nuk ka filiale, degë ose zyra përfaqësimi në Shqipëri.

Grupi Volkswagen operon dhe realizon të ardhura në Shqipëri përmes shoqërive të zotëruar indirekt prej tij: Porsche Albania SHPK dhe Porsche Leasing SHPK

**Dusk Inc** është një shoqëri e regjistruar në Shtetin Delaware, SHBA, i cili zotërohet tërësisht në mënyrë indirekte nga Traton SE (shoqëria mëmë).

**Shoqëria Target:** Navistar International Corporation, është një shoqëri e regjistruar në Shtetin Delaware, SHBA, me objekt aktiviteti: Prodhimin e autobusëve të linjës urbane dhe motorë diezel, anije tregtare dhe pasagjerësh, automjete tregtare dhe automjete pasagjerësh dhe makineri bujqësore në Amerikën e Veriut dhe në Amerikën e Jugut, etj.

Shoqëria Target Navistar International Corporation nuk ka filiale në Republikën e Shqipërisë.

Palët kanë nënshkruar Marrëveshjen dhe Planin e Bashkimit më datë 07 nëntor 2020.

Shoqëria Traton SE, aktualisht zotëron XXX% të aksioneve të shoqërisë Navistar International Corporation dhe nëpërmjet transaksionit të njoftuar synohet blerja indirekt e XXX % të aksioneve të shoqërisë Navistar International Corporation nga shoqëria Traton SE, ndërmjet filialit të zotëruar plotësisht prej tij Traton US Inc.

Pas transaksionit, shoqëria Traton SE do të përftojë kontrollin e plotë të shoqërisë Navistar International Corporation.

### **Vlerësimi i konkurrencës**

Transaksion i njoftuar plotëson kriteret e përcaktuara në nenin 10 dhe 12, të ligjit nr. 9121, datë 28.07.2003 “Për mbrojtjen e konkurrencës”, i ndryshuar dhe si i tillë kërkohet autorizimi nga Komisioni i Konkurrencës.

Referuar nenit 3, pika 7, të ligjit nr. 9121, datë 28.07.2003 “Për mbrojtjen e konkurrencës”, i ndryshuar, si edhe Udhëzimit nr.76, datë 07.04.2008 “Për përcaktimin e tregut përkatës”, treg përkatës do të konsiderohet tregu i prodhimit dhe tregtimit të kamionëve komercial, autobusëve, automjeteve mbrojtëse dhe motorëve, por duke qenë se transaksioni nuk do të ketë asnjë ndikim në tregun shqiptar si edhe duke iu referuar praktikave të Komisionit Evropian në çështje të ngjashme, tregu përkatës i produktit do të lihet i hapur. Treg përkatës gjeografik u konsiderua territori i Republikës së Shqipërisë.

Transaksioni i propozuar është përftimi i kontrollit të shoqërisë Navistar International Corporation nga shoqëria Traton SE.

Përqendrimi nuk do të krijojë mbivendosje ose marrëdhënie të rrjedhës së sipërme apo të poshtme midis aktiviteteve të palëve në nivel kombëtar dh për këto arsye, transaksioni i synuar nuk do të sjellë asnjë ndryshim dhe nuk do të ketë asnjë ndikim në tregun shqiptar.

### **PËR KËTO ARSYE:**

Komisioni i Konkurrencës, në bazë të nenit 24, germa d) dhe nenit 56 pika 1 të ligjit nr. 9121, datë 28.07.2003 “Për mbrojtjen e konkurrencës”, i ndryshuar,

### **VENDOSI:**

1. Të autorizojë përqendrimin e realizuar nëpërmjet përfimit të kontrollit të shoqërisë Navistar International Corporation nga shoqëria Traton SE.
2. Ngarkohet Sekretari i Përgjithshëm për njoftimin e palëve dhe dërgimin e vendimit pasi të bëhen pagesat që parashikon rregullorja “Për caktimin e shpenzimeve për ndjekjen e procedurave pranë Autoritetit të Konkurrencës”.

Ky vendim hyn në fuqi menjëherë.

### **KOMISIONI I KONKURRENCËS**